



partii naleraq

16.maj 2019

UPA2019/227

**Ataatsimoorluta pisuussutitta uuliap, atortussiassaattita, imiutitta nukissiuutittalu qanoq iliorluta sakkortunerusumik pilerisaarutigisinnaanerigut pillugu apeqquteqaat allaavigalugu oqallinnissamik siunnersuut.**

(Inatsisartunut ilaasortaq Randi Vestergaard Evaldsen, Demokraatit)

Inatsisartunut ilaasortaq Randi Vestergaard Evaldsen Demokraatit, apeqquteqaat aallaavigalugu ataatsimooruimik pisuussutitta uuliap, atortuussiaattita, imiutitta nukissiuutittalu qanoq iliorluta pilerisaarutigisinnaanerigut pillugit saqqummiussaa oqaaseqarfigissavarput.

Nunatsinni pisuussutitta annertunerpaamik inuiaqatigiinni kalaallini tamakkiisumik iluaqutaanerusumik atorneqarnissaanik saqqummiussaqaarneq soqutiginarput isigalugu oqaatigerusupparput, minnerunngitsumik qanoq iliornikkut, aammalu nunaqavissut niuertut namminersortullu peqatigalugit pilerisaarinerit pilersitsinerillu qanoq iliornikkut ingerlassinnaanerigut ataatsimoorumik isummorsorfigisariaqalerparput.

Uagutsinnut minnerunngitsumillu avammut qanoq nittarsaannissatsinnut nunamut iluaqutaasumik aqqussutissiuttariaqalerparput, Nuna naalagaaffinngornissamik takorluisoq pisuussutinik periarfissanillu allanut tunniussuinnarsinnaanngimmat.

Islandermioq inuusuttoq nammineerluni suliffiutilik aammalu nunatsinni aalisqaataasarsimasoq ataatsimiigiarnitta ilaanni naapittara imatut oqaaseqarluni apuussivoq” Qaquguna ilissi silattorniartortusi, sooruna pisuussutisi allanut tunniussuutiinnarpisit. Sooruna aalisagaatisi allanut tunniussuinnarisi, sooruna nammineerlusi nioqqutissiaralugillu tamakkiisumik aalisannngikkisi. Taava oqaatsini naggaserpai Qaquguuna silattorniartusi inuianni allani taamaattoqanngilaq.

Iluoorluinnarpoq pissutsit tamakku pitsaanerulissappata taava uagutsinnut aallaavigniarta pisuussutigut allanut tunniussuinnarlugit nunarput ineriartortissinnaanngilarput. ilamigooq silattorniarta.

Nunatta aningaasarsiornikkut nukkittoriartornera, imminnullu napatinnerunissamik angusariaqartornera soorunami nuannaarutigissallugu pissutissaqarpugut. Imminnut napatinnerulernissarput sulissutigissagutsigu siullermik imminut qiviariarluta qanoq ingerlaaseqarnitsinnik uagutsinnut nalilersortariaqarpugut suliffissat ilinniartissat aammalu avammut niuernikkut qanoq ullumikkornit pitsaanerusumik alloriarsinnaanersugut.

Ilaatigut ukiorpassuarni takornariartitsinikkut siuarsaanissat eqqartortuarpagut, ukiullu tamaasa aningaasarpasuit ussasaarinnermut atorpagut tamanna ajoriffissaqartinnngilarput aammami taamaattariaqarpoq. Kisiannili aningaasarpasuit atoreerlugit ilaanni takusarparput

nunaqavissorpianut aningaasat amerlanerpaat torarfeqanngitsut tamanna allangortinniartariaqarparput. Uagut Partii Naleqqamiit isumaqarluinnarpugut aningaasat siuarsaanissamut atugassat aamma nunaqarfinnut isorliunerusunilu inuussutissarsiornikkut siuarsaanissamut ilaat sangutinneqartariaqartut. Ukiuni makkunani politikikkut sakkortunerusumik aqutsinissamik aallartitsinngikkutta nunatta ilaanni ineriartorneq aqussinnaajunnaassavarput tamannalu ukiuni makkunani malunnarsilluareerpoq qanoq iliuuseqanngikkutta ineriartorneq kipusoorujussuarsinnaavoq inuiaqatigiinnut tamanut ajorsaffiusumik

Oqallinnissamik saqqummiussaqaqtup oqaatigaa ilaatigut arrippallaamik ingerlariaaseqartugut, taamatullu saqqummiussaqaarneq assortuinnarneqarsinnaarpasinngilaq. Ilumoortumik allaffissorpallaarnerput pissutigalugu ajoraluartumik pilersitsiniarnerit arritsuaqqamik ingerlasartut ersertuunnagu nassuerutigisariaqarparput.

Inuussutissarsiutinik pilersitsiniartut ilaatigut nukillalalaarnarluinnartumik aqqusaagaqartarnertik pissutigalugu uniinnartarnertik oqaatigisarpaat tassami allaffissornermi aqqusaartugassat aammalu aporfissat amerlavallaartarneri pissutigalugit.

Illuanut sanngutsinneqartariaqarpoq pilersitsiniartut sukkasuumik aporfissaqaqangerujussuarmik ullumikkornit aqqissuussisariaqalerpugut. Namminersorlutik oqartussat ataanni ingerlatsiviit ilumut tamaasa pisariaqartinneqatigut nalilersortariaqarparput. Tassami tamatta immikkut ingerlaniarsarivugut, kommunit kattussuunnerat isumaqarpoq, suliassat amerlanerpaat tamarmik kommuninut nuunneqassasut. Tassami aningaasaliissutit amerlavallarujuusartut ineriartornermut atorneqaratik allaffissornerujussuarmut atorneqarput tamannalu oqallisaarisumik tikkuarneqartoq assortorsinnaanngilarput.

Arlariaanik ingerlatsinitta kingunerinik alloriarfissagut mattuttaqattaarpagut Namminersorlutik oqartussani, taavalu kommunit inuussutissarsiornikkut allaffeqarfiini, taavalu massakkut aamma Naalakkersuisut akissuteqataanni oqaatigineqarpoq niuernermit siunnersuisoqatigiinngortussat pilersinneqarsinnaanissaat kiisalu inassuteqartarsinnaanissaat utaqqineqartariaqartoq. Taava qaqugu allanguissagatta, tamattami isumaqatigiippugut allaffissornermi sipaartariaqartugut, aningaasallu allaffissornermut atuinnartakkagut allamut sangutinneqartariaqalersut.

Imminut nujajartaqattaarluta aningaasaatigut atorsinnaanngilagut, suliffinnik pilersitsissagutta taava sooq periarfissat arlariaat tamarmik immukut ingerlasut aqqusaartussavagut. Kassassuup alliseqputai katanniartigit, tassami imminnut sullittaqattaarluta sukkanerusumik alloriarinnaanngilagut, minnerpaamik aqqusartugassat pingasut pilersitsiniartunit aqqusaqaqartarpagut, taavalu aamma qularnanngivippoq allarpassuit ilanngullugit aamma aqqusaartorneqartartut taamaaliornikkut aningaasarpassuit allaffissornerup iluani uteqattaartitsinermut atorneqartarput, ikiugassanut pilersitassanullu atorneqaratik tamannalu allangortilluinnartariaqalerpoq.

Aatsitassarsiornikkut periarfissagut sukatsisarneqartariaqarput, ilumoortumik sukkanerusumik pilersissinnaasaraluagut aasiit allaffissorpallaarujuusarluta kinguarsaqattaarpagut. Ilami Naalakkersuisoqarfiit sulisorpassuallit tamarmikimmikkut Naalakkersuisullit aamma imminnut nujajartaqattaarlutik ingerlaniarsarippit. Sullinneqartussat kissaatigaat sullinneqarnertik sukkanerusariaqartoq Naalakkersuisoqarfinnik marlunnik kinguarsarneqattaaratik tamannalu paasinarluarpoq tassani saaffiginniffissaq ataasiinngortinneqartariaqarpoq aningaassammi allaffissornermut atukkagut aamma tassani ikilineqarsinnaapput.

Nunarsuarmi pikkorinnerpaajugunnarpugut misissuinersuarmik ingerlassaqartugut qanorli inuit amerlanerugaluarutta. Uagutsinnut piunaffigiinnartussaavugut sukkanerusumik suliniarta uagutsinnut aallaavigaluta.

Ilumoortumik aamma allffissornermi sulisugut annertooujussuarmik taarsaapput, tamannalu sullinneqartunut minnerunngitsumillu inuiaqatigiinnut kalaallinut akisuallaarujussuarpoq. Sulinermullu annertuumik kinguarsaallutillu arriillissaapput tamanna ilanngullugu nalilersortariaqarpoq ilumut taamatut ingerlaannarnitta kingunerisaanik annaasartakagut annertusiartuinnartissanerigut.

Oqaaseqarfissat killeqarmat taamatut saqqummiussaqaarpugut oqallissaaruteqartorlu Randi Vestergaard Evaldsen qutsavigalugu isummat saqqummiussatit assortuinnarneqarsinnaanngitsut Partii Naleqqamiit oqaatigerusupparput. Uagutsinnut aallaaviginiarta aningaasaatigut isumatuumik atorniartigit immitsinnut nujaajartaqattaarluta ineriartornerput sukkanerulernaviannngimmat.

Hans Enoksen